

تاریخ هجری ۱۳۳۲

نومرو ۳۱

تاریخ رومی ۱۳۳۰

صاحب امتیاز و مدیرمسئول

حسین شمس

۲۳ رجب

خبر الکلام

سرمدی :

احمد شیرانی

۶ حزيران

قل الحیر والافاسکت

دین دروطة خدمت، عزم هالعهاء سید پنجشنبه کوندری نشر اولنور اسلام انجیر

غایه آرادرلر ، بولورلر ، آنک ایچوندده موفقیت کوستریرلر .

نه حاجت ! بالقان حکومتلریک ۱۳۳۸ نه نشر ایتمدیکی حرب بیاننامهلرین سطحی بر نظرله اوقورسه کز حقیقی یک چابوق آکلارسکز . دیمک که هرملک وکلای اموری هر شیدن اول دینده بر غایه ، بر غایه منفعت کوروپورلر . و دینلرینه ایکی قات فضلہ برغرینله حرمت ورعایت ایدورلر . شو حالده بزمده اوآزلره اتباعاً خط حرکتیزی تعیین ایتدمن ایجاب ایدر . عجبا بز بوخصوصده نملر یامیشمز ، داها نملر یاباجمز ؟ بولری ده کله جک مقاله لرده یازارم .

اوطه باشی : م . اکرم

بر حدیث شریف و مال منیق

« صلوة الجماعة افضل صلوة الفذ بخمس وعشرين درجة » جماعتله نماز قیلمق یالکیز اوله رق قیلمقدن یکرمی بش درجه افضلدر . چونکه جماعتله نمازک محاسن معنویه سندن قطع النظر بین المسلمین تعارف و تحاب حصوانی ده انتاج ایدر . امت محمدی تفرقه بلاسندن قورنارر بوسبببلا سطوت اسلامیه افاق کیر جهان اولور . اوائل اسلامه نه حاجت ، اوقادار کیری کیتمیم . دها بوندن یکرمی اوتوز سنه اوله کلنجیه قدر ولایت ، سنجاق ، قضا ، ناحیه و قریه لرده جمعه و جماعته کلیان بر آدم ، قومشورلی بیتمده شرف و حیثیتی محو ایدرک جمله سی تارک الجماعه دهرک او ذاتی طمن ایدرلردی . محله جمعو قومشوجه خستهلرینی جامع وسیله سبله بیلورلر . بریسی جامعه و جماعته کلمسه آرقه سنی آزار ، صورار و ضروری بر حالده

بولنسه امدادینه قوشارلر ایدی . بناءً علیه اولدوچه اتحاد قلوب و فکر جمعیت وار ایدی . بیلنه مزکه زمانک نصل بر سحرینه اوغرادق که بو فکر جمعیت و جماعت قلمزدن بتون بتون سئلندی . روز قیامت کی هر کس نفسی نفسنه قالدی کیمسه نیک کیمسیه یا هو جماعته و جامعه نیچون کیورسک دیه سواله حق و جدی اولمدقدن بشقه سهواً او بولنده بر سوال وقوع بولسه « بوزمان حریتده بکا بر مفتشک لزومی یوقدر ، حدیکی بیل » جوابی آلور ، آدم صور دیفته ، صوراجفته پشیمان اولور . لفظ حریتک سو استعمال اولمنسی سبببلا بوعلاج شفا بر سم حالته کیردی ، بو سم ایله هیئت اجتماعیه مزده کی فکر ملیت و دیانت هلاک یوز طوتدی . آره برده بر بریمز ایله جهت جامعه قالمدی . واقعا اقوام غریبه ده فکر حریت وار وار فقط جمعیت قومیه و عصیت اصلیه لرینی ضایع ایتماک شرطله مالک حریتدرلر . آنلرکی عصیت ایسه بزم جهت جامعه و سبب توحدمزده دیاندر . چونکه بزم کی اقوام مختلفه جمعیتی دیانسدن بشقه بر شیء محافظه ایدمهز . هر قوم اختلاف طبایع سبببلا کندیته هم حال و هم اخلاق آزار . ایشته تفرقه دیدیکمز بلای مهلاک ده بوندن صکره حصوله کاور . جامعلر مزده زمان برلشمک ، اخوان دیمز ایله بیلشوب سلاملاشمق و تعاضی افکار ایتک بولنی طونماز ایسه ک ، اورکش بر قیون سوریمی شکلی آله جغمزدن دشمن موجودیمز اولان قوردرلر برر برر اوتده بری ده باصدیهرق جمله می بلم ایدرلر . قالا ندرده خور ، ذلیل ، اسیر اولوب سفالت دائمه ایچنده یاشار کیدرلر . اللهم احفظنا من خزی الدنيا وعذاب الآخرة .

دورک : ح . الهامی